

الليل طلّ و فيه أجمل حكايات  
يوم الهنأ يجمع عروسين بالخير  
الله يزيد أفر اجنا والمسرات  
و يكتب هنانا عدّ ماغرّد الطير

امسك يديها وارسم أجمل بدايات  
للحُب يبقى ذكرها دائماً غير  
أمانتك يازين صون الأمانات  
وعيونك الثنتين لعيونها اتدير

واكتب لها بالحُب اجمل علامات  
اسنين تبقى فوق كلّ النَّصاوير  
ذي ياسمين اللي لها القلب بالذات  
تسكن وريدك بين حبّ و تقدير

جمالها آيه و الاخلاق آيات  
في وصفها تحنار زين التعابير  
يحقّ لك فيها تديم المباهات  
وُصونها درّه ثمينه لك تصير

محمد الراشد ما بين البريات  
فيك اكتمل عمره عسى عمركم خير  
يا اجمل عروسين الله يديم الأوقات  
ما بينكم فرحه و حبّ و تيسير